

春秋左氏傳地名補注

春秋左氏傳地名補注卷第六

吳 沈欽韓 文起

成公

元經于茅戎 方輿紀要大陽津在陝州西北三里黃河

津濟之處志云津北對茅城古茅邑也按茅戎蓋西羌之

入居中國者鄭角弓箋髦西夷別名括地志岷洮等州以

西爲古羌國以南爲古髳國今疊宕以西松當悉靜等州

以南皆是于今爲松潘廳及疊溪營地茅髦同

二經于新築 方輿紀要葛築城在大名府魏縣西南二

十里趙成侯及魏惠王遇于葛築卽此城今其地又有築  
亭顧棟高直以爲新築按趙世家作葛孽紀要又云葛孽  
城在廣平府肥鄉縣西寰宇記又作葛築地與衛遠

戰于鞏 名勝志鞏城在平陰縣東本通典之文非也傳  
有逐之三周華不注之文鞏在濟南厯城明矣沂水雜記  
云沂水縣北一百里有將軍峴峴西南有鞍山亦非此鞍  
也山東通志鞍在厯城縣西北十里鞍山下  
盟于葵婁 一統志葵婁在青州府臨淄縣西

傳聞龍

水經注汶水西南逕龍鄉故城東一統志在泰

安府西南通志龍鄉城在泰安縣東五十里

次于鞠居 續志注引陳留志封丘有鞠亭古鞠居封丘

今屬開封府

于莘 衛之莘也杜預謂齊地非今東昌府莘縣

靡弇之下 齊乘華不注山亦名靡弇方輿紀要厯山在

濟南府南五里或以爲卽靡弇山靡與厯相近通志今名

于佛山在府南十里

三周華不注 元和志華不注山在齊州厯城縣東北十

五里水經注華不注山單椒秀澤不連丘陵以自高按此

晉人所以得逐之三周也

將及華泉 水經注華不注山下有華泉

徐關入 一統志徐關在濟南府淄川縣西通志在博山縣東境

石窰 元和志石窰故城在齊州長清縣東三十里通志在濟南府長清縣南四十里

入自巨輿 彙纂云當在益都縣界按沂州府費縣西有輿城與司馬牛葬巨輿者同地

擊馬陘 一統志長峪在青州府城西南亦名馬陘亦名

奔中峪亦名萊蕪谷水經注淄水逕萊蕪谷又北逕馬陵俗名長谷道

陽橋方輿紀要陽橋在泰安州西北陸澄曰博縣有陽橋蓋地名無橋也

公衡爲質成公縱有子尙幼小不任爲質蓋宣公之子也

三經圍棘山東通志棘亭在泰安府泰安縣西南境水經注汶水又西溝水注之水出東北馬山西南流逕棘亭南春秋成公三年圍棘是也按濁河之南有沙河卽溝水

也以水驗之棘亭當在縣境也

年四傳展陂

彙纂云今在許州西北

取汜祭

括地志故祭城在鄭州管城縣東北十五里

年五經梁山崩

一統志梁山在同州韓城縣西十九里與

郃陽縣接界

于蟲牢

續志封丘有桐牢亭或曰古蟲牢寢字記桐牢

亭在開封府封丘縣北二里一統志今俗謂之桐渦

盟于垂棘

一統志三垂山在潞安府潞城縣西南二十

里又有臺壁在縣北卽垂棘之誤

年經取郛

顧棟高云在沂州府郯城縣東北

傳蠻氏

一統志蠻城在汝州西南

謀去故絳

一統志翼城故城在平陽府翼城縣東南三

十五里晉故絳都

郇瑕氏之地

一統志郇城在蒲州府臨晉縣東北十五

里瑕城在縣東南

不如新田

一統志絳邑故城在平陽府曲沃縣西南晉

新田地

有汾澮

一統志汾河在平陽府曲沃縣西三十五里經



絳州城南逕州東折而西入稷山縣界西至河津縣南入  
河澮水源出平陽府翼城縣東南澮山下西經縣南又西  
經絳縣流經曲沃縣南又西入絳州界水經注新田卽絳  
陽蓋在絳澮之陽方輿紀要絳水在絳縣西北二十五里  
遇于繞角方輿紀要繞角城在汝州魯山縣東南  
禦諸桑墜一統志桑里亭在汝甯府確山縣東  
年經于馬陵一統志馬陵故城在大名府元城縣東南  
隋開皇六年置馬陵縣  
吳入州來方輿紀要下蔡城在壽州北三十里古州來

也鳳臺縣志州來卽今下蔡鎮

傳取于申呂以爲賞田漢志南陽宛縣申伯國詩地理

考史記正義引括地志云故呂城在鄧州南陽縣西水經

注亦謂宛西呂城四岳受封申呂皆漢之宛縣也按續志

汝南新蔡有大呂亭注引地道記曰故呂侯國水經注新

蔡縣東青陂之東對大呂亭西南有小呂亭方輿紀要在

汝甯府新蔡縣北

與渠丘公續志北海安丘縣有渠丘亭山東通志渠丘

亭在青州府安丘縣印臺之上里按莒國不在北海巫

臣自晉亦當道出琅邪不由北海續志誤也一統志渠

里在沂州府莒州北

年九經城中城

一統志中城在海州沭陽縣西按厚丘城

在沭陽縣北四十六里續志東海厚丘縣下劉昭引杜預

注是杜本作厚丘刊本誤為廩丘一統志及山東通志曹

州府古蹟並引此中城卽承此注廩丘之誤

王頌蔚案南宋小字本集

解正作厚丘

傳執諸銅鞮

一統志銅鞮故城在沁州南

年十經盟于脩澤

水經注北濟自滎澤東逕滎陽卷縣之

武脩亭南春秋之原圃也按水經注引杜預此注亦作武脩一統志武脩亭在懷慶府原武縣東亦名脩魚

年十一傳爭鄆田一統志鄆人亭在懷慶府武陟縣西南

十五里

年十二經于瑱澤方輿紀要瑱侯亭在開封府新鄭縣苑

陵城西亦曰瑱澤按此役也先與楚盟于宋而後以楚成  
告于諸侯遂爲此會不書鄭者瑱澤鄭地地主在焉可知  
也

年十三傳伐我涑川元和志涑川在陝州夏縣今屬北四

十里川東西三十里南北七里一統志涑水源出絳州絳縣陳邨峪伏流至柳莊復出西入聞喜縣界逕南門外又西南入解州夏縣北逕縣西三十里又西南經安邑縣解州北猗氏臨晉南曰涑水河又西南逕蒲州府南境西入黃河方輿紀要涑水城在蒲州東北二十六里

焚我箕郛 方輿紀要箕山在解州平陸縣東北九十里郛城在太原府祁縣西七里左傳焚我箕郛謂此郛城恐誤按魏收地形志平陽郡禽昌縣有郛城郭蓋郛之誤也郭城在平陽府浮山縣西南十里

戰于麻隧 一統志麻隧在西安府涇陽縣北

及侯麗 劉伯莊曰侯麗在今涇陽縣境

十四傳苦成叔 潛夫論志氏姓郝犇食采于苦號苦成

叔路史國名紀解州有苦城按苦與鹽同聲

十五經于鍾離 一統志鍾離故城在鳳陽府鳳陽縣東

舊有東西二城濠水流于其中

許遷于葉 一統志故城在南陽府葉縣南三十里舊縣

鎮

傳及暴隧 彙纂路史云暴辛朱邑一曰暴隧蓋周圻內

之邑而時爲鄭所有也

十六年經鄆陵方輿紀要鄆陵舊城在開封府鄆陵縣西

北四十里

于沙隨水經注汴水東逕甯陵縣之沙陽亭北故沙隨

國矣方輿紀要沙隨城在歸德府甯陵縣北六里

傳敗諸洧陵元和志洧陵在宋州今歸德府甯陵縣南二十

五里

至于鳴雁水經注汴水逕小黃縣故城南又東逕鳴雁

亭春秋衛伐鄭至于鳴雁者也今俗人尙謂之白雁亭一

統志鳴雁亭在開封府杞縣北四十里

楚師還及瑕 水經注此肥水東積爲陂謂之瑕陂東南  
逕瑕城南左傳楚師還及瑕卽此城也一統志瑕城在潁  
州府蒙城縣東北

至于鳴鹿 明一統志鹿邑故城在今歸德府鹿邑縣西  
六十里寰宇記鹿邑城在縣西十三里鳴鹿臺在縣城內  
公還待于鄆 水經注瓠河又東逕鄆縣南京相璠曰公  
羊作運字今東郡廩丘縣東北八十里有故鄆城山東通  
志西鄆在曹州府鄆城縣東南境鄆城故城在縣東南十



三里元魏析廩巨置鄆城縣

十七年

經于柯陵

方輿紀要柯城在大名府內黃縣東北

內黃今屬彰德府

傳侵晉虛滑 高士奇曰河南府偃師縣東南有虛城

至于高氏 一統志高氏亭在許州府禹州西南

自戲童至于曲洧 方輿紀要新汲故城在開封府洧川

縣南春秋時曲洧也彙纂戲童襄九年諸侯盟于戲卽此

也水經注汜水出浮戲之山在開封府汜水縣南四十九

里

匡句須吉 風俗通匡魯邑句須爲之宰其後氏焉

夢涉洹 水經注洹水出洹山山在長子縣逕內黃縣東

流注于白溝方輿紀要安陽河在彰德府北四里本名洹

水出林縣西北林慮山中東流經府境又經臨漳縣西南

達直隸成安縣界至內黃縣界永和鎮入衛水水道提綱

衛河逕彰德府治安陽縣東南有洹河自西北來會其南

岸卽直隸內黃縣西境也

按內黃今屬彰德

帥師圍廬 山東通志廬城在濟南府長清縣西南六十

里漢置縣寰宇記云廬城在縣南五十里是時長清尙未

徙刺榆也邑志謂廬城去縣十五里蓋誤以爲長清故縣  
爲廬城耳長清故城在縣西南十餘里宋至道二年徙刺  
榆店卽今治也

待命于清 一統志清縣故城在東昌府堂邑縣東南通  
志縣東南三十里續漢志東郡樂平故清章帝更名晉志  
屬陽平郡

圍集 江南通志居集城在廬州府巢縣治東北五里

年十八經復入于彭城 今徐州府銅山縣治

于虛村 元和志兗州泗水縣漢下縣之地卽春秋之虛

打也通志虛打卽今泗水縣治

傳葬之于翼東門之外 襄宇記厲公墓在晉州翼城縣界南十六里高一丈六尺

襄公

年經次子卽

一統志鄆城在歸德府柘城縣北方輿紀

要在睢州東南皆本杜預注按傳所言疑是鄆國也

傳實諸鄆上

一統志陽壺城在絳州垣曲縣南一里注

云東垣縣按漢晉志河東之垣縣皆無東字東垣乃是眞定也續志垣縣有壺上亭

侵宋呂留 江南通志呂城在徐州東五十里留城在徐州沛縣東南五十里

取大丘 一統志大丘故城在歸德府永城縣西北三十里漢志應劭以爲卽大丘水經注太丘故敬丘明帝更從今名顧祖禹曰杜預疑其遠按是時楚方侵宋呂留鄭服楚蓋爲楚取也

二傳城東陽以偪之 山東通志東陽城在青州府臨朐縣境一名瓦城紀要在臨朐縣東

三經盟于雞澤 元和志雞澤在洺州永平縣西面十里

其澤魚鼈葵矣州境所資一統志會盟臺在廣平府雞澤縣東南二十里卽諸侯同盟雞澤處遺址尙存

傳克鳩茲一統志鳩茲邑在太平府蕪湖縣東四十里至于衡山杜預云衡山在吳興烏程縣南一統圖烏程在吳都西南子重不能越吳而至彼就令別道從廣德州趨獨松關亦非楚客軍所能深入劉昭注引或說在丹陽縣之橫山當是祝穆方輿勝覽橫山在太平州當塗縣界北六十里建康志橫山在江甯縣東南百二十里接太平州界周八十里高二百丈其山四面望之皆衡故又名衡

望山一統志山在溧水縣西三十里周百里跨上元縣及  
太平府當塗縣界按方輿紀要廣德州又有橫山在州西  
五里或楚兵由此歟

盟于郚外 水經注時卽郚水也晉而襄三年盟于郚者  
也

<sup>四年</sup>傳猶在繁陽 續志汝南新蔡縣有繁陽亭一統志繁  
陽亭在新甯府新蔡縣境

于蒲圃 一統志蒲圃在山阜縣境

無終子嘉父 一統志無終故城今順天府薊治

后羿自鉏 續志東郡濮陽有鉏城一統志在衛輝府滑縣東紀要云縣東十五里

遷于窮石 路史國名紀今壽之安豐有窮谷窮水卽窮

石今在六安州英山縣境故記皆謂刪丹蓋以淮南子弱水出窮石

山在張掖刪丹今甘州府山丹縣似太遠隔漢韓按水經注大河

故濱西流經平原高縣故城西故有窮后羿國也閻若璩

已辨其非是攷紀年太康元年羿入居斟鄩則斟鄩卽窮

石也山東通志斟亭在萊州府濰縣西南五十里舊志以

爲斟鄩國



伯明后寒 通志寒亭在萊州府濰縣東北三十里趙汭  
曰伯明君此寒國

有鬲氏 應劭曰鬲偃姓咎繇後山東通志鬲城在濟南  
府德平縣東南三十里在鬲津河左

滅斟灌及斟尋氏 紀年帝相二十六年寒浞使其子澆  
帥師滅斟灌二十七年澆與斟鄩大戰于濰覆其舟滅之  
齊乘斟灌城在益都府壽光縣東四十里今爲斟灌店通  
志云寰宇記斟灌城亦名東壽光按水經注堯水東北逕  
東西壽光二城間則此爲東矣

處澆于過

通志過亭在萊州府掖縣北境

處獯于戈

卽哀十二年宋鄭之間隙地曰戈

敗于狐貍

一統志狐貍山在兗州府滕縣東南二十里

通志曰台亭在縣東南十五里

年經會吳于善道

范甯注吳地阮勝之南兗州記云盱

眙本吳善道地一統志盱眙故城在泗州盱眙縣東北吳

善道邑

會于城棣

水經注濮水故瀆東北逕南北二棣城間襄

五年會于城棣者也元和志南棣北棣二城在鄭州陽武

縣北十里

春秋左氏傳地名補注卷第六終

春秋左氏傳地名補注卷第七

吳 沈欽韓 文起

襄公

六年傳棠人

一統志棠鄉在萊州府平度州東南通志棠

鄉在昌邑縣南八十里甘棠社

入萊 通志萊子城在登州府黃縣東南二十里

遷萊于郕 通志郕城在兗州府滕縣東六里

七年經卒于郕 路史國名紀盟會圖疏云郕侯國在慈州

按慈州今山西吉州迂遠

九傳濟于陰阪水經注洧水又東逕陰阪北水有梁焉

俗謂是濟爲參辰口襄公九年晉伐鄭次于陰口口者水口也參陰聲相近傳呼之謬耳一統志陰阪在許州府新

鄭縣之西

十經會吳于柵水經注京相璠曰柵宋地今彭城偃陽

縣西北有柵水去偃陽八十里山東通志偃陽城在兗州

府嶧縣西南五十里柵卽今泃口一統志西泃水在嶧縣

北六十里卽古柵水水經注提綱西泃河源出費縣東南山

南邳方輿紀要泃口在邳州西北九十里杜云吳不稱

州界

子從所稱也劉敞曰吳子豈自稱吳而已乎凡吳子鄭伯之類亦皆人稱之非其君自稱也且若從其所稱而稱之則吳當稱王必不但曰吳也愚按稱吳者亦楚子先稱之例爾

傳鄆人紆

杜預云鄆邑魯縣東南莖城是也史記正義

括地志云故鄆城在兗州泗水縣東南六十里昌平山在泗水縣南六十里輿地志云鄆城西界闕里有尼丘山此莖城應是鄆城之誤釋文無音可知也一統志鄆城在曲阜縣東南縣志云東十里有西鄆集與邾婁之改名鄆者

別水經注謂邾國叔梁之邑孔子生于此者誤也

楚丘 卽曹之楚丘

納諸霍人 一統志後人故城在代州繁峙縣東南一名

霍人

師于牛首 卽開封府陳畱縣之牛首城

尉止 水經注引圜稱曰陳畱尉氏鄭國之東鄙樊獄官

名也鄭大夫尉止之邑一統志尉氏縣屬開封府在府西

南九十里

晉師城梧 隋地理志滎陽郡滎陽縣有梧桐澗

至于陽陵 漢功臣表傳寬封陽陵侯集纂陽陵在今許  
州西北

夾潁而軍 注城陽當作陽城水經潁水出陽城縣少室  
山一統志潁水自河南登封縣流入許州府禹州北又東  
流分爲二一東逕新鄭縣南長葛縣西南南流經府城東  
北又東南流逕臨潁縣北一東南流俗曰石梁河經府城  
西南又東南流逕臨潁縣東北又東合潁水東南流入陳  
州府西華縣界按此夾潁者當在新鄭長葛之間也楚在  
南晉在其北也



十一  
年  
傳五父之衢 山東通志五父衢在曲阜縣東南五

里水經注在魯東門外二里

師于向 水經注長明溝東逕向城北城側有向岡一統  
志向城在開封府洧川縣西南縣志在縣南大隧山北洧  
水許俗訛爲上城又名莊公城

次于瑣 一統志瑣侯亭在許州府新鄭縣東北

于濟隧 水經注京相璠曰滎澤在滎陽縣東南與濟隧  
合言濟水滎澤中北流至衡雍西與出河之濟會斯蓋滎  
播河濟往復逕通矣

戰于櫟 方輿紀要櫟陽城在西安府臨潼縣北三十里

渭水北或曰本晉之櫟邑也按濟自輔氏者濟渭水也

年十二經園台 山東通志台亭在古鄆城之南古鄆城在

沂州府費縣西北七十里

遂入鄆 水經注闕駟十三州記曰魯有兩鄆昭公所居

者爲西鄆在東平莒魯所爭者謂之東鄆按東鄆在沂州

府沂水縣北

傳師于揚梁 水經注渙水又東逕揚亭北京相璠曰今

睢陽東南三十里有故揚梁城方輿紀要在歸德府商丘

縣東南三十里

年十三經取邾 山東通志邾城在濟甯州五十里元武城

南

年十四經會吳于向 此當爲吳地方輿紀要向城在鳳陽

府懷遠縣東北四十五里

傳于瓜州 元和志沙州古允姓戎地漢武帝元鼎六年

分酒泉置敦煌郡前涼張駿于此置沙州武德五年別于

晉昌置瓜州西至沙州三百里瓜州今安西州治沙州今

安西州之敦煌縣

及涇不濟 元和志涇水在京兆府雲陽縣西南二十五里東南流入涇陽縣經縣南七里又東南入高陵縣界水道提綱涇水源出平涼府西北境筭頭山東南流至高陵縣西南之上馬渡與渭水會曰涇口按元和志謂秦人毒涇上流在涇陽縣

至于械林 方輿紀要世本鄭桓公居械林一作咸林今華州也按伐秦之師已過長安臨涇水則械林不得在華州華州無涇水也當在涇陽

公如郚 山東通志鄆邑在曹州府濮州東二十里卽濮

州故城也

阿澤 水經注河水于范縣東北流爲倉亭津右厯柯澤  
襄十四年敗公徒于阿澤者也紀要在東平州陽穀縣界  
以邾寄衛侯 玉篇滎陽東邾城齊滅之

十五年經劉夏 方輿紀要劉夏在河南府偃師縣故緱氏

城南十五里

圍成 山東通志成城在兗州府甯陽縣東北九十里

十六年經于溴梁 水經注溴出原城西北原山勳掌谷春

秋會于溴梁謂是水之墳梁也一統志溴水自懷慶濟源

縣東流經孟縣北又東南入河名勝志俗謂之白澗水  
傳戰于湛阪水經注湛水出犇縣北魚齒山厯山下爲  
湛浦水之北山有長阪蓋卽湛水以名阪故有湛阪之名  
也一統志湛水在藁縣北三十里自汝州寶豐縣流入又  
東入許州府襄城縣界紀要云入于汝水

十七年

經齊侯伐我北鄙圍桃

山東通志桃聚在濟甯州

東北六十里郡國志任城有桃聚又桃鄉城在兗州府汶  
上縣北五十里四汶口之西南漢縣屬泰山郡按經云北  
鄙則此乃桃鄉縣非卞縣之桃墟杜預誤也滕縣東亦有

桃山故城與桃墟皆魯之東南

傳飲馬于重丘 一統志重丘城在曹州府荷澤縣東北

通志縣東北三十里

師自陽關 一統志陽關城在兗州府甯陽縣東北通志

在泰安府泰安縣東南六十里

十八年傳于長子 水經注堯水東逕長子縣故城南周史

辛甲所封之邑也方輿紀要長子城在潞安府長子縣治

西南

梗陽之巫皋 一統志梗陽故城在太原府清源縣南今

省清源入徐溝縣

禦諸平陰 水經注濟水北逕平陰城西杜預云城在盧縣故城東北非也京相璠曰平陰在盧縣故城西南十里平陰城南有長城東至于海西至濟河道所由名也一統志平陰城在泰安府平陰縣東北通志云在肥城縣西北六十里

防門廣里 水經注防門去平陰三里防門北有光里齊人言廣音與光同卽春秋所謂守之廣里者也通志長城鉅防在肥城縣北十五里自平陰故城南起首經縣北達



長清縣境太山記太山西北有長城緣河經太山千餘里  
至琅邪臺入海齊記齊宣王乘山嶺之上築長城東至于  
海西至濟州千餘里以備楚竹書紀年梁惠成王二十年  
齊築防以爲長城按此則長城起于戰國然管子輕重篇  
有曰長城之陽魯也長城之陰齊也是桓公時已有之矣  
舊屬平陰今人縣境自防門起東逕五道嶺又東逕長清  
縣南之長城鋪循泰山之陰又東逕歷城縣南之長城嶺  
又東逕萊蕪縣北之長城嶺與章丘縣接界又東逕博山  
縣南之嶺嶺鳳凰嶺度岳陽山又東逕臨朐縣南之大峴

山又東逕安丘縣南之太平山又東逕莒州北之高泉山而南絕潛水循臥牛城度高華嶺又南逕諸城縣南之長城嶺度雷石山又東逕膠州南之大珠山大珠山在琅邪臺北六十里訖于海欽韓按管子所指長城卽僅以泰山爲界輕重丁

塹防門也

齊侯登巫山一統志巫山在泰安府肥城縣西北六十里策纂云肥城縣西北七十五里有孝堂山卽齊侯望晉

師處

殺馬于隘以塞道 元和志隔馬山在齊州長清縣東南

三十五里夙沙衛塞道後因名隔馬山

克京茲 通志京茲在肥城縣東北境

克邾 一統志邾山在平陰西十二里

焚申池之竹木 水經注云京相璠杜預並言申門卽齊

城南面第一門爲申池左思齊都賦申池在海濱齊藪也

舍近舉遠攷古非矣方輿紀要晉書慕容德宴庶老于申

池左太沖以爲昭華池也

將走郵棠 卽棠鄉注見前

及濰南及沂 一統志濰水源出沂州府莒州東北流入  
青州府諸城縣界沂水出蒙陰縣北東南流逕沂水縣西  
又南流逕蘭山縣東郛城縣西又南流入江南邳州東分  
爲二支西南流入運河其正南流入駱馬河水道提綱濰  
水俗曰濰河經諸城縣北折西北流經濰縣東境又北至  
昌邑縣城東南又東北入海曰濰河口

治兵于汾 水經注潁水厯岡丘城南故汾丘城也一統  
志在許州府襄城縣東北

次于魚陵 水經注潁水又逕上棘城西一統志上棘城在許州府禹州西北

次于旃然 水經注索水出京縣西南嵩渚山卽古旃然水也濟渠水斷汭溝惟承此始故云汭受旃然亦謂之鴻溝水蓋因漢楚分王指水爲斷一統志索河源出滎陽縣南北流逕縣東屈而東逕河陰縣南又東合京水東逕滎澤縣南滙于賈魯河

胥靡獻于雍梁 方輿紀要胥靡城在河南府偃師縣東南四十里一統志雍氏城在許州府禹州東北

梅山 一統志在鄭州西南二十五里與新鄭縣接界

十九年經于祝柯 通志祝柯在濟南府長清縣東北境

纂今長清縣豐齊鎮北有故祝柯城

傳取邾田自澗水 一統志述山在兗州府滕縣東北山

百里澗水發源于此澗水在縣南十五里卽南沙河也紀

要澗水南流至三河口合于薛河北沙河在縣北十五里

西南流合于澗水

晉土匄于柯 一統志柯城在彰德府內黃縣東北

城武城 通志武城在沂州府費縣西南八十里按此南

武城也

傳奔高唐以叛 水經注京相璠曰高堂齊之西鄙一統

志高唐城在濟南府禹城縣西南通志在縣南五十里

二十經盟于澶淵 水經注浮水故瀆于頓丘縣北出東

逕繁陽城南應劭曰縣在繁水之陽張晏曰縣有繁淵春

秋襄公二十年盟于澶淵卽繁淵也亦謂之浮水按續漢

志沛國杼秋有澶淵聚劉昭注謬引此年盟于澶淵趙一

清曰春秋有兩澶淵襄公二十年二十六年皆衛之澶淵

也三十年會于澶淵宋災故說文澶淵水在宋是爲宋地

劉昭所引者誤宋爲衛矣一統志澶水在大名府開州西  
南大河分流也一名繁水一名浮水方輿紀要德勝城在  
開州東南五里古澶淵也其後爲德勝渡黃河津要也李  
璧王荆公詩注云澶淵黃河在其南王莽河在其北樊城  
在其南戚城在其北

二十一年經漆閭丘來奔

續志南平陽有漆亭閭丘亭水經

注今按漆鄉在縣東北漆鄉東北十里見有閭丘鄉杜云  
顯閭非也顯閭自是別亭山東通志漆城在兗州府鄒縣  
西境閭丘城在縣北境南平陽城在縣西十三里陸淳纂



例啖氏云凡以邑來奔叛也不言叛爲內諱也受叛臣非也故諱以示譏

于商任 方輿紀要古任城在順德府任縣東南按其地近商墟故謂之商任顧棟高云今彰德府安陽縣有衛商任地

二十二年傳御叔在其邑 一統志御邑在曹州府鄆城縣東十二里今名御屯

二十三年經次于雍榆 水經注淇水又東北流謂之白溝逕雍榆城南襄二十三年救晉次于雍榆者也明一統志雍

榆城在大名府

今屬衛輝府

濬縣西南四十八里

傳取朝歌

方輿紀要朝歌城在衛輝府淇縣東北

入孟門

水經注北屈縣之孟門卽龍門之上口也實爲

河之巨阨一統志孟門山在吉州西六十里壺口之北黃

河中流按其地去朝歌遠非此孟門也史記吳起傳殷紂

之國左孟門右太行索隱曰劉氏按紂都朝歌今孟山在

其西今言左則東遷別有孟門也魏策作左孟門右漳澄

吳師道引索隱在朝歌東北然孟門卽太行之支麓也

登太行

方輿紀要太行山在懷慶府北二十里又西北

三十里曰太行陁八陁之一

于熒庭

水經注

滄水

紫谷水西逕熒庭城南一統志熒庭

城在平陽府翼城縣東南七十五里

戊郛邵

一統志邵原關在懷慶府濟源縣西百二十里

封少水

水經注引京相璠曰少水今沁水也一統志沁

水源出沁州沁源縣東北羊頭山西南流合水峪河水道

提綱云出沁源縣北之綿山車家嶺南經屯留縣西岳陽

縣東沁水縣東南經澤州西北至陽城縣東南流經懷慶

府濟源縣北之太行山傳言封少水蓋在濟源與太行山

相近者也

師東陽之師 自晉而言太行山在其東迤東地在太行  
之陽故曰東陽韓非外儲說以臨東陽則邯鄲口中風也  
方輿紀要廣平府及冀州爲晉東陽地按東陽有四襄二  
年晏弱城東陽哀八年吳伐魯克東陽是齊魯亦各有東  
陽楚語蔡聲子謂子木曰資東陽之盜殺之韋昭曰東陽  
楚北邑則楚之東陽與晉爲四也

娶于鑄 水經注蛇水又西南逕鑄城西左傳所謂蛇淵  
圃也山東通志鑄鄉在泰安府肥城縣南境與舊泰安州

接壤漢蛇丘縣之所治也

春秋左氏傳地名補注卷第七終

春秋左氏傳地名補注卷第八

吳 沈欽韓 文起

襄公

二十四年傳御龍氏 一統志御龍城在許州府臨潁縣北十

五里

豕韋氏 續志東郡白馬有韋鄉集纂隋志置韋城縣金廢爲鎮今在衛輝府滑縣東南五十里

唐杜氏 方輿紀要太原故城在今太原縣治東北古唐國也杜陵城在西安府東南十五里周杜伯國也紀年成

王八年王師滅唐遷其民于杜

爲范氏 山東通志范城在曹州府范縣東南三十里晉

范武子采邑志云故豢城也城墟如故一塔孤存

侵介根 一統志計斤故城在膠州西南古介根邑漢爲  
計斤縣屬琅邪郡齊乘有兩塔對立曰東西計斤通志在  
州西南七里漢志莒子初都此後徙莒

次于棘澤 水經注京相璠曰長社北界有稟水其水東

南逕棘城北左傳所謂次于棘澤者也一統志棘城在許  
州府長葛縣東方輿紀要棘澤在開封府新鄭縣東南

宛射犬吉 水經注潁水東南逕宛亭西鄭大夫宛射犬之邑

舒鳩人 一統志舒鳩城今廬州府舒城縣治寰宇記舒鳩城在縣城內

師于荒浦 方輿紀要黃陂河在舒城縣東南十五里周八里許黃陂卽荒浦之轉

齊人城邾 輿地廣記河南縣古邾鄒地周語韋昭注洛在王城之南穀在王城之北東入于瀍鬪者兩水微有似于鬪也穀水盛出于王城之西而南流合于洛水毀王城



西南將及王宮故齊人城邾也水經注京相璠曰邾山名  
邾字記芒山在河南縣北十里亦邾山之異名也

二十五年經同盟于重丘

漢志平原郡有重丘縣水經注引

應劭曰安德縣北五十里有重丘鄉方輿紀要重丘城在  
東昌府東南五十里跨荏平縣界襄二十五年同盟于重  
丘是也又重丘城在濟南府陵縣北五十里按水經注則  
陵縣之重丘是也山東通志重丘在德州東北境襄二十  
五年盟者也故城應在河間府吳橋縣境內

傳行及奔中

方輿紀要奔中峪在青州府臨淄縣西南

志云自臨淄西南至萊蕪有長峪界兩山間長三百里中通淄河今其民獷悍不識官府爲盜賊之藪

二十傳敗之圜 方輿紀要圜城在大名府開州東

及雩婁 漢志雩婁縣屬廬江郡魏以廬江之安豐別置

郡故移屬安豐一統志雩婁故城在光州商城縣東南

懿氏六十 在大名府開州西北五十七里

克棘 方輿紀要棘亭在歸德府永城縣西南故鄧縣東

北

晉人與之苗 方輿紀要苗亭在懷慶府濟源縣西

以廩丘奔晉 一統志廩丘故城在曹州府范縣東南范縣志在縣東南七十里義東堡

襲衛羊角 山東通志羊角城在范縣東南七十里卽鄆城之羊角城也邑與接壤故范縣亦載此城

襲我高魚 水經注京相璠曰今廩丘東北有故高魚城俗謂之交魚城通志高魚城在曹州府鄆城縣南境之高魚鄉

二十傳託于木門 寰宇記古木門城在滄州清池縣西北四十六里衛侯弟鮪託于木門蓋此城也大事表謂在

河間府城西北三里參攷諸書皆云在滄州城西北三里顧棟高誤也然晉時地未至渤海穀梁傳云織紉邯鄲木門當在邯鄲之境

蒙門之外 方輿紀要宋城東北門曰蒙門

請老于崔 水經注漯水又東北逕著縣故城又東北逕崔氏城北崔成請老于崔者也山東通志崔氏城在濟南府章丘縣西北七十里大清河之濱邑志誤作新城云莫詳其始而疑縣西北二十五里之故城爲崔城謹正之按一統志亦誤仍邑志

二十八年傳胡子 一統志胡城廢縣在潁州府阜陽縣西北

胡子國梁置胡城縣寰宇記汝陰縣西北二十里有胡城  
魚里 山東通志魚里在青州府臨淄縣城內陳文子故  
居

反陳于嶽 通志莊嶽里在臨淄縣治南街

予之朱方 一統志丹徒故城在鎮江府東南卽朱方邑  
輿地紀勝慶封宅在丹徒縣城南

迂勞于黃崖 水經注黃水出泰山南黃泉流逕華城西  
又東南與上水合卽春秋所謂黃崖也方輿紀要大山在

開封府新鄭縣二十五里黃水出焉下流與洧水合

二十九年傳歌邱鄘衛方輿紀要邱城在衛輝府東北通典

衛州新鄉縣西南三十五里有故鄘國城

三十一年經宋伯姬卒水經注睢水東逕相縣故城南宋其

公之所都也府園中猶有伯姬黃堂基斯堂卽伯姬燬死  
處方輿紀要相城在宿州西北九十里

傳伯有奔雍梁方輿紀要雍氏城在開封府扶溝縣西  
南四十里卽雍梁也

葬諸斗城水經注沙水又逕斗城西子產殯伯有于是

也寔字記在開封府陳留縣南三十五里今爲斗橋集

及酸棗 方輿紀要酸棗城在開封府延津縣北十五里

爲任大夫 一統志任縣故城在今順德府任縣東南

三十一年傳以伐陽州 山東通志陽州城在東平州東北境

銅鞮之宮數里 元和志銅鞮宮在潞州銅鞮縣東十五

里

延州來季子 服云延延陵州來邑名季子讓王位升延

陵爲大夫食邑州來傳家通言之咸淳毗陵志武進縣本

吳之延陵邑州來今鳳陽府鳳臺縣

春秋左氏傳地名補注卷第八終



春秋左氏傳地名補注卷第九

吳 沈欽韓 文起

昭公

元年傳遂會于虢 續志滎陽有虢亭方輿紀要俗謂之平

眺城在縣東北二十里眺亦作桃

夏有觀扈 一統志畔觀故城在曹州府觀城縣西本夏

時觀國鄆縣故城在西安府鄆縣治北本夏時扈國紀年

帝啟十一年放王季子武觀于西河注武觀卽五觀也十

五年武觀以西河叛彭伯壽帥師征西河武觀來歸淮南

齊俗訓有扈氏爲義而亡注有扈夏啟之庶兄以堯舜與  
賢啟獨與子故伐啟啟亡之周書史記解有夏之方興也  
扈氏弱而不恭身死國亡

商有妣邳 紀年外壬元年邳人邾人叛河亶甲三年彭  
伯克邳五年妣人入于班方彭伯韋伯伐班方妣人來享  
妣卽莘方輿紀要下邳城在邳州治東古邳國山東通志  
仲虺城在兗州府滕縣西南境奚仲封薛遷于邳又曰上  
邳城

周有徐奄

惠云紀年成王二年奄人徐人及淮夷入于

邶以叛周書周公相天子殷東徐奄從三叔爲亂按柴誓云淮夷徐戎並興杜預謂徐卽淮夷者誤山東通志奄里在曲阜縣東境古奄國

造舟于河 元和志同州朝邑縣河橋本秦后子奔晉造舟于河通秦晉之道

自雍及絳 元和志鳳翔府郭下天興縣本秦雍縣國都東至京兆府三百一十里絳州西南至京兆府五百九十里曲沃縣本晉絳都西至州五十里其九百五十里

宣汾洮 一統志管涔山在寧武府寧武縣西南六十里

跨五寨靜樂二縣界汾水發源于此續漢志河東聞喜縣有洮水水經注涑水至周陽與洮水合水源東出清野山一統志洮水源出絳州絳縣橫嶺山煙莊谷入聞喜縣界與陳村峪水合按陳村峪卽涑水也齊召南據水經注以洮水卽涑水非也

障大澤 一統志臺駘澤在太原府南十里舊爲晉水匯處蒲魚所鍾今久涸

城隍樂邾 一統志隍縣故城在汝州魯山縣東南五十里邾縣故城今邾縣治

年傳執諸中都 水經注侯甲水西北逕中都縣故城南

城臨際水涓晉侯執陳無字于中都者也漢文帝爲代王

都此一統志中都故城在汾州府平遙縣西北

年傳放盧蒲嬖于北燕 日下舊聞引城家記云南北盧

蒲城在霸州文安縣西二十七里齊侯放盧蒲嬖于此

年傳三塗 水經注伊水出陸渾縣之西南王母澗澗北

山上有王母祠卽古三塗山也京相璠著春秋土地名準

周書南望之文或言宜爲轅轅大谷伊闕非也方輿紀要

三塗山在河南府嵩縣西南十里

陽城

方輿紀要陽城山在河南府登封縣北

一統志東北

三

十八里俗名車嶺山

大室

一統志嵩山在登封縣北十里亦曰太室其西曰

少室

荆山

杜預所指者乃今鄖陽府房縣西南二百里之景

山水經注以爲荆山之首至襄陽南漳縣爲荆山據司馬

侯所言類之當爲陝州閿鄉縣南三十五里之荆山

中南

明一統志終南山在西安府五十里

商湯有景亳之命

紀年帝癸二十八年昆吾氏伐商商

會諸侯于景亳遂征韋商師取韋遂征顧按周書殷祝解  
湯放桀于復亳王子諸侯大會周書所言是此景亳之命  
也方輿紀要亳城在河南府偃師縣西十四里景山在縣  
南二十里

成有岐陽之蒐 紀年成王六年大蒐于岐陽方輿紀要  
岐山在鳳翔府岐山縣東北十里山有兩岐故名

康有酆宮之朝 紀年康王元年召康公總百官諸侯朝  
于酆宮酆縣志豐宮在酆水西去縣三十里

穆有塗山之會 紀年穆王三十九年王會諸侯于塗山

一統志塗山在鳳陽府懷遠縣東南八里淮河東岸亦曰  
當塗山

王田于武城 卽南陽宛縣之武城續志宛縣有東武亭  
東字疑誤

夏桀爲仍之會有緡叛之 紀年帝癸十一年會諸侯于  
仍有緡氏逃歸遂滅有緡山東通志東緡城卽偃邑在兗  
州府金鄉縣東北二十五里本古緡國爲桀所滅今名緡  
城阜

商紂爲黎之蒐東夷叛之 紀年帝辛四年大蒐于黎今



潞安府潞城縣東北十八里有黎侯城紀要云黎城縣古黎侯國

周幽爲太室之盟戎狄畔之紀年幽王十年春王及諸侯盟于太室十一年申人郇人及犬戎入宗周弑王

入棘櫟麻水經注汝水東逕櫟亭北春秋之棘櫟也一統志櫟城在汝寧府新蔡縣北二十里又信陽州北五十里亦有櫟城寰宇記故麻城在今單城碭山縣西北碭山縣志今爲麻城集在城東北二十五里方輿紀要棘亭在歸德府永城縣故鄆縣東北

奔命于夏汭 一統志漢口在漢陽府漢陽縣東漢水入江之口也亦曰夏口汭口水經注夏水入沔自堵口下河水兼通夏目而會于江謂之夏汭卽夏口矣其地本在江北

城鍾離 一統志鍾離城在漢陽府漢川縣東五里卽五里墩也府志路史曰箴尹宜咎所城之鍾離在漢陽軍今之五里墩成公十五年晉吳所會之鍾離則在今鳳陽府愚按下文城巢城州來皆在今廬鳳境之內恐鍾離仍在鳳陽也

及庚宗 一統志庚宗亭在兗州府泗水縣東接費縣界

年五經以牟婁及防茲來奔 續志平昌有婁鄉注引杜預

西南有婁亭山東通志婁鄉城在青州府諸城縣西南境

又縣東北柴溝社東南有防亭茲亭在沂州府莒州東北

境一統志茲鄉故城在諸城縣西北漢屬琅邪郡

傳勞屈生于菟氏 水經注八里溝又南得野菟水口水

上承西南菟氏亭北野兔陂鄭伯勞屈生于菟氏者也寔

宇記菟氏城在開封府尉氏縣西北四十里

送女于邢丘 續志河內平皋縣有邢丘水經注晉侯送

女于邢丘卽此處方輿紀要平皋城在懷慶府城東南七  
十里入溫縣界一名邢丘

勞諸索氏 元和志古大索城今鄭州滎陽縣理是也楚

漢戰于京索間小索城在縣北四里

鄭伯勞諸圉 一統志圉縣故城在開封府杞縣南

明一統志

杞縣南五十里

以繁陽之師 卽繁陽也方輿紀要繁陽亭在汝寧府新

蔡縣北

敗諸鵠岸

元和志鵠頭鎮在宣州南陵縣西一百十里

楚伐吳敗于鵲岸是也方輿紀要鵲尾洲在太平府繁昌縣西南大江中鵲頭山在池州府銅陵縣北十里山在鵲洲之頭因名

至于羅汭 水經注汨水又西逕汨羅戍南西流注于湘春秋之羅汭矣世謂之汨羅口明一統志汨羅江在長沙府湘陰縣北七十里方輿紀要汨羅江至縣境分爲二水一西南流曰汨水一西經古羅城曰羅水復析而北出至屈潭復合故曰汨羅又西南注于湘江謂之汨羅口水道提綱湘水至湘陰縣西南境有汨水東南自平江縣

汨水卽平

江合諸水來至汨羅山分流而西注之曰汨羅口

及汝清 汝水入淮之口一統志汝水自河南息縣東流

入潁州府阜陽縣南至朱臯鎮入于淮亦謂之淮口

坻箕之山 寰宇記踟躕山在廬州巢縣南三十七里按

輿地志云東關口有踟躕山背坻箕也楚子觀兵處

待命于巢 元和志楚有二巢一在廬江六縣其南巢築

所放處則江州潯陽縣東四十二里巢湖故城也按九江

府志與元和志所言同

六 年 傳 于 豫 章 此 豫 章 蓋 江 北 漢 九 江 郡

次于乾谿 一統志乾谿在亳州東南紀要東南七十五

里

敗其師于房鍾 李兆洛鳳臺縣志房鍾卽今闕疇集地  
今闕疇北至乾谿百餘里南至潁尾百餘里東南至州來  
百餘里大師次乾谿故別軍在房鍾爲犄角也今猶爲蒙  
毫往來要地也

七年傳齊侯次于號

號與郭通方輿紀要高郭城在河間

府任丘縣西十七里漢縣屬涿郡

盟于濡上 水經注濡水出故安縣西北窮獨山南谷于

容城縣西北大利亭東南合易水而注巨馬水按此所謂北濡合北易者也又云濡水出蒲陰縣西昌安郭南又東北逕樂城南東入博水按此所謂南濡合南易者也方輿紀要濡水在保定府完縣西南水經注亦謂之曲逆水志云今縣北一里有曲逆水繞縣東南合于邢水或以爲此卽邢水之別源非故濡水也此水經注之南濡也又濡水在易州之北源出州西北三十里窮獨山東南流支分入城又東南流入容城縣界或謂之北易水此所謂北濡也按寰宇記北易水與濡水同出窮獨山故其名通稱寰宇



記又云濡水在冀州鄭縣西二十里東合易水左傳齊人  
伐北燕盟于濡上卽此處也紀要濡水在河間府任丘縣  
西北二十里今與易水交流不復別爲一川此並北濡依  
杜預至鄭縣入易之文也按水經注于滹水篇之濡水云  
自下樽水亦兼濡水通稱昭公七年齊與燕盟于濡上杜  
預云云是濡水與滹沱滹易互舉通稱矣一統志依城河  
水經注滹水東北逕依  
城北世謂之依城河在保定府安州北卽古濡沱諸水  
下流也土俗稱州爲濡上此並以南濡爲濡上也但水經  
注之文敘述不明方志所載又隨附各縣不加區別故今

並舉諸流略爲詮次南北各異使學者勿惑焉水道提綱  
濡水合北易水至新城縣南境與拒馬河會舉今之著名  
者言之

章華之臺 寰宇記章華臺在荊州江陵縣東三十三里  
臺形三角名勝志又謂之豫章臺水經注江水又東得豫  
章口是也范致明岳陽風土記華容世傳有章華臺非也  
古章華在今荊州監利縣離湖上

吾與子桃 前志太山郡有桃山桃鄉二縣一統志桃墟  
在泗水縣東南山東通志一作陶墟云舜所處也

辭以無山與之萊柞 水經注泰無萊柞並山名焉祁縣  
取目焉左傳曰與之無山及萊柞是也應劭十三州記曰  
太山萊蕪縣魯之萊柞邑按此傳文義爲順水經注誤記  
也方輿紀要萊蕪谷在泰安州萊蕪縣西南以山名邑卽  
今萊蕪谷旁諸小山矣

羽山 紀要羽山在海州贛榆縣西北八十里高四里周  
廻八里寰宇記羽潭在朐山縣西九十里去羽山一百步  
一名羽池池上多生細柳野獸不敢踐又郡國志鍾離昧  
城南羽泉亦殛鯀之處其水恆清牛羊不飲

年八經蒐于紅 按傳云自根牟至于商衛則蕭縣之虹亭  
非魯所能至水經注以爲紅卽虹非也方輿紀要虹城在  
鳳陽府虹縣西七十里地道記云大蒐于紅卽此誤也山  
東通志紅亭在泰安府泰安縣南境郡國志紅亭在奉高  
縣西北按此劉昭注非郡國志本文也

傳晉魏榆 服云魏邑也榆州里名水經注太原榆次縣  
卽魏榆也一統志榆次故城在今太原府榆次縣西北元  
和志春秋時晉魏榆地

虎祁之宮 水經注汾水逕絳縣故城北逕虎祁宮北橫

水有故梁截汾水中凡有三十柱柱徑五尺裁與水平蓋  
晉平公之故梁也明一統志鹿祁宮在平陽府曲沃縣西  
南四十九里

九傳以夷濮西田益之方輿紀要城父城在亳州東南  
七十里按濮卽亳也水經注夏肥水上承沙水東南流逕  
城父縣故城春秋所謂夷田在濮水西者也

駘與釐同一統志釐縣故城在乾州武功縣西北二十  
二里

蒲姑明一統志蒲姑城在青州府博興縣東北十五里

服云蒲姑齊也商奄魯也

肅慎燕亳

晉書東夷傳肅慎氏一名挹婁在不咸山北

一統志長白山在吉林城東南

甯古塔將軍駐吉林城

橫亘千餘里

舊名不咸山亦名太白山今甯古塔黑龍江及奉天府之承德鐵嶺開原諸縣並肅慎氏地秦本紀寧公二年遣兵伐蕩社三年與亳戰亳王奔戎遂滅蕩社索隱曰西戎之君號爲亳王蓋成湯之肩其邑曰蕩社正義曰括地志云雍州三原縣有湯陵又有湯陵在始平縣西北八里按其國蓋在三原始平之界方輿紀要蕩社在西安府三原縣

西南

卒于戲陽 續志魏郡內黃縣有蕘陽聚水經注白溝自  
縣西北流逕戲陽城東世謂之蕘陽聚一統志戲陽城在  
彰德府內黃縣北

傳戰于稷 史記秦隱稷齊之城門也或云稷山名按  
山東通志稷山在青州府臨淄縣西南十三里上有稷祠  
或曰齊稷門稷下之名以此按戰處宜爲稷門

而反棘焉 山東通志棘里亭在青州府臨淄縣西境  
與之夫子 通志夫子邑在濟南府長山縣西南二十里

夫村

十一經盟于祫祥 彙纂云當在兗州府滋陽縣境按祫

祥當卽大庭氏之庫魯國以望祫祥故遂名爲祫祥應在

曲阜縣

于岡山 方輿紀要蔡岡在汝寧府上蔡縣東十五里周

二十里

不羹 一統志西不羹城在許州府襄城縣東南二十里

東不羹城在南陽府舞陽縣西北

十二經北燕伯于陽 續漢志中山蒲陰縣有陽城方輿



紀要陽城在保定府完縣東南五十里

傳北燕伯款于唐 一統志唐縣故城在今保定府唐縣東北

有酒如澠 方輿紀要澠水出臨淄縣故城西南之申池

分爲二流西流曰系水北流曰澠水至博興縣界入于時

水齊乘澠水卽今臨淄西門中池水北流者勢極屈曲俗稱九里十八灣過梧臺北小泥河入焉又北至博興李

監橋入時水

假道于鮮虞 一統志新市故城在真定府新樂縣西南

古鮮虞國縣志在縣西南四十五里新城鋪

遂入昔陽

劉炫謂肥鼓並在鉅鹿昔陽卽是鼓都而孔

疏反復辨之專護杜預樂平沾縣之昔陽然其說不能當

劉之辨核也顧棟高以下曲陽爲是樂平沾縣去中山絕

遠爲非

欽韓

攷昭二十二年荀吳略東陽襄二十三年趙

勝帥東陽之師乃晉山東之地在魏郡廣平以北

方輿紀要今冀

州晉之東陽地則荀吳略東陽入昔陽滅肥滅鼓同在今晉州無

疑不得移昔陽在沾縣也然劉氏規杜以昔陽爲鼓都非

肥都則有意矯之而非也鼓與肥同在下曲陽縣故應劭

漢書注司馬彪郡國志俱云下山陽有鼓聚此鼓子國也

有昔陽亭此肥子所都後人述而讀之遂謂鼓子國有昔陽亭傳云入昔陽者入其國都君立別邑其時肥未滅肥漢志真定國肥縣故肥子國卽其別邑至八月壬午乃并滅之而以其君歸入與滅爲二事則肥固有二邑矣昭公二十二年負甲以息于昔陽之門外緣昔陽非鼓地故鼓不爲備晉得襲滅之若如劉云鼓都則晉已坐甲于國門何得復爲僞糴而云襲之也方輿紀要承杜預酈元之謬遂指晉州之昔陽爲鼓子所都指山西樂平縣之昔陽爲肥子所都然樂平之昔陽去鼓城三百餘里西隔大山

又元和志云昔陽城一名夕陽本非定稱其名偶同耳顧氏依違劉炫杜預之間則愈糾錯矣劉昭郡國志注又于下曲陽縣下引杜樂平沾縣之昔陽此殆不辨黑白者矣  
次于潁尾 禹貢錐指潁水在潁州潁上縣南門外亦曰沙河東南流至正陽鎮入淮謂之潁口卽春秋之潁尾也鳳臺縣志今爲潁上縣之八里梁與縣境之楊家腦毘連亦謂之潁口

次于乾谿 一統志乾谿在亳州東南江南通志在東南七十五里

僻在荆山 御覽一百九秭歸縣西有丹陽城周迴十餘里卽熊繹所居

護沒于祗宮 紀年穆王元年十月築祗宮于南鄭十八年王居祗宮諸侯來朝五十五年王陟于祗宮穆天子傳吉日丁酉天子入于南鄭注今京兆鄭縣也

左氏傳地名補注卷第九終